

汝府志卷二十四

人物六

循良

漢

馮遂字子達奉世子通易太常察孝廉爲郎補謁者建昭中選爲復土校尉光祿勳于永舉茂才爲美陽令功次遷長樂屯衛司馬清河都尉隴西太守治行廉平年四十餘卒爲都尉時言河隄方畧在溝洫志

馮立字聖卿左將軍奉世子通春秋以父任爲郎稍遷諸曹竟寧中以王舅出爲五原屬國都尉數年遷五

潞安府志

卷二十四 循良

一

原太守徙西上郡立居職公廉治行畧與野王相似而多智有恩貸好爲條教吏民嘉美野王立相代爲太守歌之曰大馮君小馮君兄弟繼踵相因循聰明賢智惠吏民政如魯衛德化均周公康叔猶二君後遷爲東海太守下濕病痺徙太原太守更歷五郡所居有政跡年老卒官

鮑德昱子修志節有名稱累官南陽太守時歲多荒災唯南陽豐穰吏人愛悅號爲神父郡學久廢德修起黌舍備俎豆黼冕行禮奏樂又尊饗國老晏會諸儒百姓觀者無不勸服在職九年徵拜大司農卒於官

北魏

馮龍上黨人仕魏爲魏州刺史有善政蝗不入境人以爲廉明所感

元

宋思齊屯留人以儒吏兼通歷仕至陽武縣尹爲政尙德化不事鞭朴有古循吏風

明

王士宏潞州人洪武庚午舉人知浙江寧海縣時方氏初平籍溫台明三郡兵黠者竄平人其中士宏曰奈何誣民爲兵抗疏言其狀詞甚切事得寢尋遷南雄

潞安府志

卷二十四 循良

二

府判官卒于官三郡之民悲思之事載薛方山憲章錄

王蕡屯留人登洪武丁丑進士授定興知縣因逗留中貴調虞城居官多惠政民懷其德發奸懲暴巨猾皆歛跡竟被閹宦中傷罷官時論惜之

趙泰字熙和潞城人永樂中由舉人入監歷事都察院授常州府同知有廉惠聲濬孟濱得勝二河作魏村閘諸所興築民無言勞者周忱與况鍾議減重糧泰亦檢常州官田租請並減之遷工部郎中命塞東昌決河沈薦爲協同都運益勤其職尋卒

劉昭字克明潞州人宣德丁未進士正統辛酉擢南給事中糾舉秉公不避權要除宦官監收倉糧之害奏嚴皇城門禁戊辰以大臣薦知臨洮修學宮闢荒蕪捐俸賑飢平反冤獄臨洮人士作歌頌之

趙偉字士奇潞州人正統戊午舉人授開封府同知巡撫于謙薦衛輝府知府未任艱歸補萊州府同知二年遷青州府知府值旱荒飛蝗蔽天禱於神大雨如注蝗盡斃民一家三人悉坐死擇其稍輕者活之使得有後蒞政八年墮墮廟學以次修舉後以朝會入都抗疏致仕優游里巷中歷十餘年卒子汝章貢士

潞安府志

卷二十四 循良

三

任教授

王紹屯留人正統乙丑進士累仕廣東副使居官多異政部民服其明察學問淵博爲時所推

劉潔字清之襄垣人端子景泰庚午舉人任廣東道監察御史數上疏言事從征荆襄間運籌決勝功最著遷浙江副使老成持重洞達機宜雪獄救荒清鹽理漕悉井井有條理尋卒於官以孫龍貴贈南京吏部尚書所著有一庵集子鳳儀進士鳳鳴舉人孫龍夔王春屯留人學純行潔以貢士歷仕至陝西叅政歸之日行李蕭然一時皆服其清操

楊能壺關人姿儀環秀有才識天順己卯舉人授東昌府同知在任廉明譽徹上下時有妖言連逮千餘人皆抵死能力辯得釋陞本府知府以幹濟稱子奇另有傳

廉政字養民潞州人天順己卯舉人任安邱知縣仁惠著聲調澠池值歲祲餓孺枕藉悉心拯救先是主者失于告灾征且迫政以狀聞得蠲卹全活萬計時司馬戚屬官洛陽貪虐大著監司屬政按訊遂律其罪又以事忤按巡意政曰吾寧坐免殃民蠹政所不敢爲竟以獲罪歸民咸思之

潞安府志

卷二十四 循良

四

趙博黎城人天順壬午解元成化十四年進士歷官刑部郎中陝西鳳翔知府執法不撓作郡有聲稱子初詳孝義

楊奇字秀夫壺關人能之子成化辛丑進士授戶部主事宏治改元上裕國安民疏極言足食足兵之法在端本澄源進陝西司郎中時甘肅弗靖奇奉勅整督軍餉將行上疏言備邊七事上嘉納之尋陞嘉興知府改夔州有惠政民飲江水遠汲爲難鑿井得美泉以姓名之夔人感慕爲作生祠

侯壘長子人宏治己酉舉人任白水知縣嚴明能斷案

無留牘先是邑多逋賦墾督催有法民皆樂輸尋調澄城縣白水民思之祀名宦累官河南僉事致仕歸劉鳳儀字天瑞襄垣人潔長子宏治庚戌進士授高密知縣興學校廣儲蓄彌盜賊招撫逃亡二十餘家旱蝗爲文自責蝗入海死陞戶部主事遷刑部員外郎楊洛森次子河弟嘉靖壬午舉人任山東單縣知縣縣濱大河條備河策於上官一時稱便時游宦有周恩單文彪者貧而故洛力爲殯殮且賻其家居二載單民樂其廉平未幾改官渭源父老送者皆泣下至渭後教民禮讓興水利弭虎患士民愛之有渭川八政

潞安府志

卷二十四

循良

五

之咏以疾卒於官邑人哭之如私親云

張美長子人嘉靖戊子舉人授鎮原知縣值歲歉殫力賑濟多所全活再補公安條議興革不遺餘力會邑災拜禱大雨滅火調蠡縣以病歸所至有去後思

高崙字北川長子人嘉靖辛卯舉人任河南輝縣知縣歲大祲力請于上一切逋負盡蠲民以是德之

李延康字允吉長治人進士延馨弟嘉靖壬辰進士授汝寧府推官有剛直聲擢監察御史按陝西再按順天發奸摘伏稱廉平出爲河南僉事陝西叅議治汝寧豪獄及商維礦徒皆不肯濫及無辜後以湖廣叅

政告歸卒延康祖安定知縣翁父維南縣丞併皆有遺愛在秦中延康兩泣其地秦人感嘆益追慕其祖父不置子如松舉人衡州知府

周欽字克敬長治人以貢士知陝西咸陽縣遷歸德府通判性儉樸政以仁恕爲先官秦中七年城郭廩學橋梁圩堤無不畢舉而均田一事尤愜輿論嘗攝篆鄰邑亦必籌人遠在預惠安伯以椒房親占民田七百頃悉勒歸本業以積勞乞休不允欽徑去諸大吏請諸朝令致仕

趙希夔字一卿潞州人父秉中陝州同知博雅有時名

潞安府志

卷二十四

循良

六

希夔嘉靖乙未進士任家鄉潞州歷官河南左布政使以藩親不得爲京官加食正一品俸且開散官廕子之例方爲州時僅弱冠嘗督堤工水大至衆皆驚散乃獨立衝所衆還就築堤得不壞時世廟南巡所經多獲罪安肅知縣逃當道以希夔攝之設黃布爲行宮供億無異物上甚喜同知東昌時值獻后梓宮南下中人護喪郡縣苦之臨清知州亦逃當道又以攝州據理應酬中人悅服銅仁小平茶苗叛官軍征之不服希夔時在貴州以他道署事撫按以兵事屬焉賊退入深箐兵不得進乃爲砲駁望烟飛擊賊逾

深遁遂伐木開道入其穴授苗豪安天朝以方畧使立功贖罪苗遂平拓地二百里蒙賞金幣爲藩泉長以和馭下有趙佛之稱致仕歸絕請謁勸化鄉人隨分歸善壽八十七而終子三子實儀賓于敏官至知府于樸貢士

張奇字尙中長子人美之兄嘉靖甲午舉人任北直新城知縣縣當孔道供億繁難公以民力不支調停省約忤中貴人意遂中傷之竟被黜百姓感慕不忘爲建生祠

程應登字司晉潞州人幼負異質遊李侍御漳墅門與

潞安府志

卷二十四 循良

七

任光祿輩相切劘又主陵川宗約教以詩文著弱冠中嘉靖庚子舉人授睢州知州補延慶州所至嚴請託絕賂遺兩任咸以守制歸里制終乃浩然嘆曰向爲親出今可已矣遂不赴補以孫正已貴贈兵部右侍郎

郝良臣字廷蓋襄垣人登嘉靖辛丑進士授長垣知縣甫抵任卽開通河渠爲民增堡砦實義倉察奸誅暴境內大治蘇巡撫翁御史交章薦之會有詔徵取垣人爲立生祠陞吏部驗封司主事累仕太僕光祿寺卿出爲江西右布政使以剛直忤當道落職不復起

著有襍錄集

李尙智字子愚屯留人嘉靖甲辰進士知直隸清苑縣擢監察御史轉山東青州知府直隸密雲副使補四川叅政山東按察使晉右僉都御史巡撫延綏調保定尙智蘊經世畧居官以廉潔爲先而出以公愼白郡縣至開府所至皆有惠政在延綏控致五路警伏諸番尤稱一時屏翰致政後家無長物布衣蔬食稱貸自給怡如也當道數十薦皆不起世以清望推之楊世卿長子人幼有至性知崇正學聞李漳野先生講學于潞布衣徒步執隻雞爲贄先生與其誠而進之

潞安府志

卷二十四 循良

八

遂得心性之學嘉靖丙午舉于鄉任直隸沙河知縣隴州知州累仕至南京戶部郎中居官行政本于一誠故所至得民當隴州考滿入覲道出沙河舊民預探十許日比至空城迎接黃白扶輿歡聲滿路攀留數日以飛車送入都中其德政及人多類此孫采鄉舉

姚九功字惟叙襄垣人嘉靖丁未進士授許州知州操一持廉慎政務嚴明吏畏民懷有姚曹二公生祠陞刑部員外郎多所平反旋爲固原兵備副使軍民繪像入督府遺範祠祀之歷本省右叅政經理涼莊邊務

所至興利除害省費節財理國事如家事以性慇言
危爲衆忌謝職歸

李尚實潞城人嘉靖壬子舉人知河南輝縣補淇縣秩
滿遷裕州知州淇人走闕下乞復任詔以知州留知
淇縣尋爲直指使者所擠劾歸尚實有異才詞賦文
章胥自出機軸有奇氣性狷介衆謂特才軀人故爲
所忌旣歸貧益甚一日求妻鳳釵易米供晨爨妻曰
君以貪掛御史白簡乃無米炊耶尚實曰謀米及歸
使一釵不保吾不貪誰貪者聞者啞然子夢熊舉人
滄州知州孫專業舉人柏鄉知縣三世胥稱清白吏
潞安府志 卷二十四 循良 九

暴孟奇字玉溪屯留人嘉靖乙丑進士任戶部主事改
御史歷衛輝府知府陝西臨鞏兵備副使性直慇練
達剛果蘭大猾十許人冒餉金鉅萬比事發耗蕩無
寸絲孟奇以首惡正憲典代償贖鍰二千金凡屬牽
引俱爲讞釋往者實粟塞下粟貴而賤入商戒不來
孟奇言於督撫平其入商不受困而倉廩充盈北城
臨河易圯大爲築砌州民賴之

王濟美字世甫平順人以貢授臨城簿憂歸補寧陽署
紫陽令值流寇之亂修葺城堡招撫流移民復安集
擢金鄉丞嘉靖乙丑漕河阻命司空朱公濬之有以

濟美薦者檄至指陳利害如指掌置幕中數月水復
故道擢德州倅未幾卒數縣男女皆哭于途囊無片
金司空爲殮之且祠名宦以旌其能云
民多所全活

王景明黎城人嘉靖時歲貢任西河知縣清慎自持一
時以廉吏稱焉

栗永馨字子明長治人萬歷丙子舉人幼孤事母孝年
二十二舉于鄉授南通州知州潔已愛民正直不阿
時織造宦監勢張甚永馨抗禮不屈遂歸里與唐珪

潞安府志

卷二十四

循良

十

數人詩文唱和

周一梧字唐珪長治人通判欽子幼聰敏留心經濟嘗
著十六策籌時事萬歷壬午以易魁于鄉越十年壬
辰成進士授戶部主事歷員外郎中會征烏寇關白
平秀吉一梧以督餉從運糧八十萬石復疏陳方畧
出爲歸德知府未至調常州知府以蘇州稅閘激民
變改蘇州知府既至持以鎮定反側者胥自安明年
變復作擒首惡數人遣戍之尋以疾請歸家居閉門
修郡志秉筆直書迄今稱信史起陝西河西副使時
猗賊方熾一梧至修戰守具威聲遠播猗賊遁賊首

田一寬等束身歸命事聞朝廷方議晉秩遽卒秦人爲立碑

吉人字國貞長治人性至孝萬歷甲辰進士授獲鹿知縣選江西道御史出按甘肅兼理學政剔弊興學有風節陞東昌副史時漕涸舟膠疏濬牽挽凡兩閱月萬艘抵通

程尙勤字必勵應登子博學有才思嘗預纂修郡志以明經授平陽訓導陞醴泉知縣保定府通判分署易州軍士有脫巾者尙勤單騎往諭歸伍後致仕祀醴泉名宦

潞安府志

卷二十四 循良

七

楊夢龍字文田能之元孫萬歷丙午舉人先任文安令安邑近白溝河爲九江下流堤善潰龍躬先畚鍤經畫盡瘁其堤遂固尋爲貴幸所忌罷之父老板襲塞路至不能行後復爲平山令聽訟平允以子四重貴晉封江西道御史

李一爵昱裔孫萬歷丙午舉人知狄道涑水胥有惠政陞通州知州通爲通賦劇郡盡胥盤據出入蒙混三載五易其守一爵嚴爲清覈諸事節省年餘賦課悉完又代徵壓欠一千五百有奇盡胥銜之中以匿揭郡人叩闕昭雪以原官補用不赴

劉大武襄垣人自許州判陞靈臺知縣性明敏發奸摘
伏人不取欺破羅哩賊於橫渠盜賊屏息夜聞績紡
讀書者晨卽賞勞課士勵俗著有循聲
王崇雅黎城人萬歷時歲貢任臨潁及密縣知縣真誠
爲民不尙虛譽

霍應麟字瑞寰屯留人由鄉舉授達州牧州商王家棟
寃死歷讞莫得其情應麟禱于神夢得微指尋捕獲
一訊卽服商寃得雪遷寶慶倅憂歸服除補慶陽倅
尋擢爲守北地多荒田民習游惰首下令墾荒以復
農業得舊演武場曠地募民給牛種西成所獲著令
潞安府志

卷二十四 循良

三

爲修城費會入覲謝絕饋遺有齏齏之者遂解組歸
家居二十年卒郡人程正己志其墓

李思謙字養德屯留人弱冠中隆慶丁卯舉人八上公
車不遇年五十就銓武陟令天旱露禱索神不應夢
一老至曰乞寃晨起索舊獄得一婦毒翁事詢之則
翁耘婦饑以餐懸古樹上翁食而殞不知其由公曰
得非樹蠹乎劈樹獲巨蛇婦寃白是日大雨臺司奇
其事旋撥一疑獄趙科案思謙一鞠成讞時稱神明
有推官某索潞紬百疋不應中其蠶改布政司檢校
擢漢中通判乞骸歸思謙清貧好讀書年幾九十卒

之曰囊橐蕭然惟書數千卷而已子瑤別有傳見儒林

程正家尙勤之子萬歷壬子舉于鄉初授南陽府推官歷獄大獄多所平反時衆兵充斥諸帥跋扈當道重其才識題爲監紀驅馳米鄧左三帥間有靈閣襄東方諸城捷擒土寇劉中湖於裕州殲巨憝楊四於舞陽及恢復鄧浙二城一歲三膺褒錫唐庶人假入衛謀不軌道出裕州正家適攝州事尼其行及懷宗震怒有廢錮之命使者虞變屬正家擒之陞戶部主事歷員外郎中召買草束搏節爲多督大官糧儲毫無

潞安府志

卷二十四 循良

三

所染甲申國變以疾卒於京邸

焦崇功長治人天啓甲子舉人任直隸昌平州知州罷官赤貧爲闖賊拷餉死

馬調鸞平順人崇正間恩貢任石城知縣時流氛橫熾調鸞修增城垣團練鄉勇守禦有方地方又安陞懷慶通判民爲建祠立碑

國朝

馬瑾字公瑜長子人年少力學崇正壬午舉于鄉順治丙戌進士除句容知縣縣有巨盜瑾以計捕之爲民豁奇寬江南以青天目之未幾卒于官百姓環庭號

哭泣請于上祀入名宦時橐無一錢上官憐其清廉
各賻賵有差子元祺得扶柩馳驛歸葬

楊四易字會一四重弟崇正年歲貢順治間授陝西固
城令時兵戈初定民多觀望易開誠撫字流亡歸集
設法灌溉廢畦皆成沃壤尋遷松江府同知以疾歸
王儒平順人天啓元年恩貢任歷城縣丞擢伏羌知縣
流寇拓養坤擁衆數萬將攻城儒守禦有方賊不敢
犯洪經畧奉命招撫坤曰必欲降須王伏羌一言方
可儒引一蒼頭單騎往說以利害留宿坤營熟睡達
旦數萬人遂解甲降旋加監軍道銜丁艱歸養坤與

潞安府志

卷二十四 循良

四

士民泣送二百里 國初固山委署襄垣縣事闔將
劉忠攻郡城幾陷儒間道詣省請救兵一晝夜馳至
圍遂解

王鎮寰字心寧平順人順治初歲貢任洪洞訓導捐資
修學清燈學田巡方聯薦擢河南西華知縣邑經殘
敵加意撫綏招流移勸開墾民漸安集向有例餽里
金數百嚴卻之盜案經二十八勘未決實巨窩積猾
也鎮寰讞得其實立定爰書大盜授首民稱快後以
前任河工柳梢缺少事呈誤去官華人思之鎮寰少
攻苦力學父卒諸弟俱幼悉撫之成立家計不充躬

耕自給嘗吟淡素黃花節清虛萊竹心之句以自勵云

陳天德字達夫長子人拔貢爲人孝友著於家廉正重於鄉雖貧不自給而路遇遺金則坐守以返諸其人爲蜀綿竹令綿人愛之建立生祠以趙清獻陳太邱比之

張皇輔字翊宸長治人以例貢授浙江青田令抵任時邑甫經變輔安集招撫民復故業邑乘散亡捐俸修輯辛酉歲閩省汰兵流聚九都爲盜輔單車直入盜出不意遂潰散未幾鎮兵至將洗九都輔力白謂羣

潞安府志

卷二十四 循良

五

盜已潰餘皆良民願以八口保民賴以全爲之立祠丙寅邑遭大水輔躬駕小舟指揮拯溺活人甚衆是歲以憂歸服闋補四川梓潼令陞陝西延安府同知籌邊裕餉材能屢著丁丑歲以辦理榆陽大差兩陷水河幾至身殞撫臬嘉其勞委署兵備道篆以積勞致病卒於官

李恂字實夫長子人拔貢任枝江令清操自勵甫下車卽以天理良心四字懸於公堂時有閹羅面目菩薩心腸之謠

周錫疇培詵仲子力學能文康熙丙子發解十上春官

不第後爲江南鹽城令興學校維風化俗士習不然以變其他塾漕捕蝗修陸宣公祠登瀛橋德政不可勝舉儲中子稱爲名元無雙循吏第一雍正癸卯充同考官積勞卒于闈中

何勝光字雲輝黎城人以歲貢爲武進丞七年陞長葛知縣長葛正供僅萬餘而雜費甚浮勝光盡革除之會病葛人士祈禱有請以身代者病除葛人復鼓歌報神禁不能止秦商道宿鄭州誤殺人誣一脚戶認抵凡一年將決移案長葛立得其情遂活之鄰封有謀逆者忽一人懷僞劄首于葛曰素耳公仁慈故來

潞安府志

卷二十四 循良

夫

歸勝光白于上立殲渠魁衆獲復業後致政歸田不加增宅不加廣不興不蓋安步田里人稱廉吏云

閻宗衍字亢能必崇子康熙己丑進士授封川知縣抵任宿廟誓衆一以清慎爲本因革私餽陋規別立條教民咸欽服設學造士人皆知書邑始興科第歲飢民將啟釁多方撫慰於平糶倉穀外復捐俸賑之安堵如常常攝德慶州篆民頌之如封川後以疾請歸去之日士民遮道泣送衍爲人醇謹廉隅幼失恃值必崇遠宦讀書時每不舉火賴伯母楊撫育之遂遵其訓得成名迨宦歸二十餘年足跡不履戶外子克

惠歲貢生

栗培初字養元長治人績學能文雍正癸卯舉于鄉聘充陝西乙卯同考官所拔取皆名宿登乾隆丙辰進士選授平谷知縣抵任首革行戶遇事隨時披發案無停牘歲早步禱禹澤山大雨立沛踰年洶水經秋瀑張禾盡沒邑人大恐乃親爲撫慰建言河水迅駛易消田苗無患已而水落秋熟旗民稱神會有飛蝗入境輕騎偵視焚香默祝蝗盡斃在任數載興學勸農與閭閻相爲休息以艱歸里泣送者塞途羣立碑以志遺愛培初爲人恬靜寡營不預外事兩爲本郡潞安府志

卷二十四 循良

七

書院掌教先後多所成就登甲乙科者至十餘人及卒門人私謚曰謙敏先生

趙復銳字景哲潞城人性明敏果斷蚤歲入庠食餼居家以孝友稱處鄉黨多義行屢贖場屋援例授安徽布政司經歷艱歸服除補雲南布政司經歷陞麗江府維西通判撫治番忬開誠化導諸酋長莫不懷服歲丁亥用兵緬匪委運沙兵半糧復銳按限催督深入不毛及遞放差竣染瘴瘳卒當復銳初辦軍務子滂在都守銓特書教以忠孝大義言不及私歿之日維西部民間之皆爲巷哭云